

# L'emprima iniziativa populara federala en rumantsch

■ (anr) Per l'emprima giada è vegnì publictà ier en il Fegl federal uffizial il text rumantsch dad ina iniziativa populara. Damai ch'il pievel svizzer ha ditg il 1996 gea a l'artitgel da linguatg 116, ha il rumantsch uss il status dad in linguatg parzialmain uffizial. Il favrer 1997 è il regulativ tar l'artitgel 116 vegnì relaschà dal Cussegl federal.

Quest regulativ preveda ch'ils auturs dad iniziativa populara han la pussaivladad da laschar translatar lur

texts d'iniziativa en rumantsch grischun. Suenter vegn il text rumantsch publictà en il Fegl federal uffizial tudestg. Quest proceder è in emprim pass sin la via tar ina nova lescha davart ils linguatgs uffizials che vegn a definir manidlamain il diever dal rumantsch. Ils iniziants da l'iniziativa «Repartiziun da la lavur» han per l'emprima giada profità da questa reglamentaziun. Il text rumantsch è vegnì publictà ier.